



Na osnovu člana 21. i 23. Zakona o izbjeglicama iz BiH i raseljenim licima u BiH („Službeni glasnik BiH“, br. 23/99, 21/03 i 33/03), Odluke o preusmjeravanju i raspoređivanju sredstava po namjenama i iznosu sredstava za 2025. godinu broj: 01-41-1-2364-5/25 od 20.1.2026. godine i Odluke o izmjeni i dopuni Odluke o načinu i procedurama odobravanja sredstava udruženih u Fond za povratak BiH namijenjenih za realizaciju prava iz Aneksa VII Dejtonskog mirovnog sporazuma broj: 01-41-1-298-4/24 od 13. 2. 2024. godine, Ministarstvo za ljudska prava i izbjeglice Bosne i Hercegovine objavljuje

JAVNI POZIV
za dostavljanje projektnih prijedloga
za finansiranje projekata obnove i rekonstrukcije stambenih jedinica raseljenih lica i povratnika

Finansijska sredstva

Odlukom Komisije za izbjeglice i raseljena lica BiH o preusmjeravanju i raspoređivanju sredstava po namjenama i iznosu sredstava za 2025. godinu, za finansiranje projekata obnove i rekonstrukcije stambenih jedinica raseljenih lica i povratnika, raspoređena su sredstva u ukupnom iznosu od **430.000,00 KM**

Pravo učešća

Pravo učešća na Javnom pozivu imaju općine/opštine/gradovi u BiH i Brčko Distrikt BiH.

Cilj Javnog poziva

Osiguranje uslova za održivi povratak kroz obnovu i rekonstrukciju stambenih objekata raseljenih lica i povratnika.

Predmet projektnih prijedloga

Predmet projektnih prijedloga naročito se odnosi na:

- 1) obnovu krova i krovne konstrukcije,
- 2) sanaciju unutrašnjih prostorija,
- 3) sanaciju postojećih unutrašnjih i vanjskih zidova i otvora na stambenoj jedinici,
- 4) ugradnju i sanaciju elektro, vodovodne i kanalizacione instalacije.

Izrada i način dostavljanja projektnih prijedloga

- Projektnim prijedlogom smatra se, adekvatno popunjen i ovjeren, aplikacioni (prijavni) obrazac.
- Lokalne zajednice će iskazati potrebe o broju stambenih jedinica/korisnika i iznosu sufinansiranja po stambenoj jedinici ili po ukupnom broju predloženih stambenih jedinica.

Ranije dostavljeni projektni prijedlozi, zahtjevi, informacije o potrebama u obnovi i izgradnji stambenih jedinica kao i aplikacioni obrasci i slično, ne mogu biti predmet razmatranja.

Za navedeni predmet pomoći izrađen je aplikacioni formular koji je dostupan na web-stranici Ministarstva www.mhrr.gov.ba, a može se preuzeti i u regionalnim centrima Ministarstva, na sljedećim adresama:

- Regionalni centar Sarajevo, Vilsonovo šetalište 10, Sarajevo, tel. 033/714-206
- Regionalni centar Banja Luka, Vidovdanska bb, Banja Luka, tel. 051/223-580
- Regionalni centar Mostar, Kralja Zvonimira 13, Mostar, tel. 036/555-840 i
- Regionalni centar Tuzla, 4. Aprila broj 1, naselje Miladije tel. 035/253-603.

Svaki projektni prijedlog (na propisan način popunjen i ovjeren aplikacioni formular) pojedinačno se kovertira i poštom dostavlja na adresu: Ministarstvo za ljudska prava i izbjeglice BiH, Trg BiH broj 3, 71000 Sarajevo, sa oznakom JAVNI POZIV – dostavljanje projektnih prijedloga za finansiranje projekata obnove i rekonstrukcije stambenih jedinica raseljenih lica i povratnika.

Finansijska vrijednost projektnog prijedloga

- Ukupno **tražena finansijska** sredstva po stambenoj jedinici iznose **minimalno 2.500,00 KM do maksimalno 10.000,00 KM**.

Rok za dostavljanje projektnih prijedloga

Rok za dostavljanje projektnih prijedloga je **15 dana** od dana objavljivanja Javnog poziva.

Kriteriji za izbor prioriternih projektnih prijedloga

- broj direktnih korisnika (članova porodice povratnika i raseljenih lica)
- sufinansiranje projektnog prijedloga
- iznos traženih sredstava po projektnom prijedlogu

Procedura izbora i realizacije projektnih prijedloga

- Ministarstvo zaprima projektne prijedloge, evidentira i sistematizuje dostavljene podatke, te izrađuje izvještaj o rezultatima Javnog poziva.
- Po potrebi, Ministarstvo putem svojih regionalnih centara obavlja terensku kontrolu podataka prezentovanih u projektnim prijedlozima.
- U svrhu izrade prijedloga liste prioriternih projektnih prijedloga, Ministarstvo imenuje članove Komisije za izbor prioriternih projektnih prijedloga.
- Nakon vrednovanja projektnih prijedloga, Komisija za izbor prioriternih projektnih prijedloga izrađuje prijedlog Liste prioriternih općina/gradova po Javnom pozivu za obnovu i rekonstrukciju stambenih jedinica raseljenih lica i povratnika i dostavlja ih Komisiji za izbjeglice i raseljena lica BiH.
- Komisija za izbjeglice i raseljena lica BiH donosi Odluku o izboru prioriternih općina/gradova po Javnom pozivu za finansiranje projekata obnove i rekonstrukcije stambenih jedinica raseljenih lica i povratnika.
- Izabrane projektne prijedloge za obnovu i rekonstrukciju stambenih jedinica na prostorima gdje žive raseljena lica i povratnici realizuju općine/gradovi, Brčko Distrikt BiH.
- U skladu sa procedurama, Ministarstvo nadzire realizaciju izabranih projekata.
- Fond za povratak BiH, u skladu sa svojim procedurama, finansijski realizuje izabrane projekte.

Prijave koje nisu kompletne će se uzeti u razmatranje nakon dopune dokumentacije koja se mora dostaviti u **roku od osam (8) dana** od dana slanja obavještenja putem e-maila.

Neblagovremeno dostavljeni projektni prijedlozi neće biti razmatrani.

Sve dodatne informacije u vezi sa Javnim pozivom mogu se dobiti na broj telefona: 033/703-948, ili na navedene brojeve telefona regionalnih centara.



MINISTAR
dr. Sevdin Hurtić

Broj: **0A-4A-B-124-1/28**
Sarajevo, 21.1.2026. godine